



Broj: 0101-12437-7/20  
Sarajevo, 27.01.2021. godine

Na osnovu člana 69. stav (2), tačka (e) i 70. Stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Laboratorijske opreme na preporuku Komisije za javnu nabavku broj: 0101-12437-6/20 od 25.01.2021. godine, rektor Univerziteta u Sarajevu je d o n i o:

**ODLUKU**  
**o poništenju postupka javne nabavke robe – Laboratorijska oprema**

**Član 1.**

Prihvata se preporuka Komisije za javnu nabavku broj: 0101-12437-6/20 od 25. 01. 2021. godine i postupak javne nabavke robe – Laboratorijska oprema SE PONIŠTAVA iz razloga što je cijena ponude ponuđača IMTEC d.o.o. Sarajevo Bulevar Meše Selimovića 95/11, 71000 Sarajevo znatno veća od osiguranih sredstava za predmetnu nabavku, a što je definisano članom 69. stav (2), tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14).

**Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

**Obrazloženje**

Na osnovu Odluke o pokretanju postupka javne nabavke broj: 0101-12437-1/20 od 14.12.2020. godine, Univerzitet u Sarajevu je pokrenuo postupak javne nabavke robe – Laboratorijska oprema

Za provođenje postupka predmetne javne nabavke, Odlukom broj: 0101-12437-2/20 od 14.12. 2020. godine, imenovana je Komisija za javnu nabavku robe.

Obavještenje o nabavci broj: 999-1-1-145-3-118/20 objavljeno je na Portalu javnih nabavki dana 15. 12. 2020. godine i Službenom glasniku BiH br.82/20 od 18.12.2020.godine.

Iz izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 31.12.2020. godine, u 10:10h vidljivo je da su u periodu koji je ostavljen za dostavljanje ponuda, Tendersku dokumentaciju broj 0101-12437-3/20 od 14.12.2020. godine sa portala javnih nabavki preuzeli sljedeći ponuđači: TEHNO DENTAL DOO BANJA LUKA, SARTORIUS LIBRA ELEKTRONIK D.O.O., INSTRUMENTS, IMTEC D.O.O. SARAJEVO, AMT-METRIKS D.O.O., ITD D.O.O. SARAJEVO, EKAPIJA DOO, EMEDING DOO, BBS EUROPE, AXIOS, MEDIA DOO SARAJEVO, EMGEN DOO, SHOT D.O.O. ZENICA, HELIA, KEFO D.O.O. ISTOČNO SARAJEVO, SHIMADZU D.O.O., MPS LAB D.O.O., DONAU LAB DOO, SINEKS LABORATORIJA D.O.O. BANJA LUKA, ALPHACHROM D.O.O., SONO MEDICAL DOO, ANTON PAAR CROATIA D.O.O., ANALITIKA D.O.O.

SARAJEVO, DOO EUROLAB, LAB UNICA D.O.O., NEXIS D.O.O. SARAJEVO, SEMIKEM D.O.O.SARAJEVO, MIKRO+POLO D.O.O. S CONSALTING D.O.O. MOSTAR, O-MEGA III D.O.O. SARAJEVO, MEDICHEM D.O.O., DIJAL-„M“, REMEDIA D.O.O. TUZLA, DESINFECTA D.O.O.

Iz izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 31.12.2020. godine u 10:09h, vidljivo je da u periodu koji je ostavljen za dostavljanje pitanja, **nije bilo postavljenih pitanja** za pojašnjenje Tenderske dokumentacije broj 0101-12437-3/20 od 14.12.2020. godine.

Na Tendersku dokumentaciju broj 0101-12437-3/20 od 14.12.2020. godine **nije bilo žalbi** od strane potencijalnih ponuđača.

Komisija za javnu nabavku je dana 31.12.2020. godine u 10,30h izvršila javno otvaranje blagovremeno prispjelih ponuda:

Broj protokola	Naziv/ime ponuditelja (šifra)	Dan i sat primitka
0101-13144 /20	AMT METRIKS d.o.o. Hajrudina Hajdića bb, 74260 Tešanj	29.12.2020. 12:50h
0101- 13185 /20	Nexis d.o.o. Mehe Smailagića 76, 71000 Sarajevo	30.12.2020 . 09:15h
0101- 13265 /20	MPS Lab d.o.o. Srđana Aleksića 2, 71000 Sarajevo	31.12.2020. 09:05h
0101- 12366 /20	Imtec d.o.o., Bulevar Meše Selimovića 95/11, 71000 Sarajevo	31.12.2020. 09:45h

Na javnom otvaranju ponuda nisu bili su prisutni predstavnici ponuđača. Od strane prisutnih na javnom otvaranju ponuda nije bilo primjedbi na postupak otvaranja ponuda ili na ostale informacije, što je konstatovano u Zapisniku o otvaranju ponuda. Zapisnik sa javnog otvaranja ponuda je isti dan (31.12.2020) godine putem e-maila i putem pošte prosljeđen ponuđačima koji su dostavili ponude. U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku (kriterij za dodjelu ugovora je najniža cijena):

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	AMT METRIKS d.o.o. Hajrudina Hajdića bb, 74260 Tešanj	0,00 KM	63.255,00 KM bez PDV-a 0% Popust PDV 0,00KM 63.255,00 KM
2.	Nexis d.o.o. Mehe Smailagića 76, 71000 Sarajevo	0,00 KM	63.500,00KM bez PDV-a 0% Popust PDV 0,00 KM 63.500,00 KM
3.	Imtec d.o.o., Bulevar Meše Selimovića 95/III	0,00 KM	98.689,00KM bez PDV-a 0% Popust PDV 0,00 KM 98.689,00 KM
4.	MPS LAB d.o.o., Srđana Aleksića 2, 71000 Sarajevo	0,00 KM	110.982,00KM bez PDV-a 0% Popust PDV 0,00 KM 110.982,00 KM

Iz Zapisnika Komisije je vidljivo da Komisija za provođenje postupka nabavke nije imala nejasnoća u ponudi, niti je bilo grešaka u dostavljenoj ponudi.

U Zapisniku o pregledu i ocjeni ponuda Komisija je ocjenila da se na ponude ponuđača, neprimjenjuje preferencijalni tretman domaćeg, obzirom da ponuđači nisu dostavili potvrdu nadležne institucije kojom se potvrđuje da roba –Laboratorijska oprema zadovoljava uvjete za izdavanje certifikata od BH porijeklu.

Iz Zapisnika Komisije je vidljivo da se Komisija sastala poslije javnog otvaranja ponuda dana 11.01.2021. godine i pristupila pregledu ponud1, odnosno provjeri da li su ponuđači ispunili uslove iz člana 45. do 49. Zakona o javnim nabavkama koji su traženi Tenderskom dokumentacijom, odnosno da bi utvrdila da li su ponuđači dostavili tehnički zadovoljavajuću ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Pregledom dostavljenih ponuda Komisija za provođenje postupka javne nabavke je utvrdila da ponuđač **AMT –METRIKS d.o.o., Hajrudina Hajdića bb, 74260 Tešanj** nije dostavio Potvrdu o uredno izvršenom ugovoru o isporuci u ugradnji robe (Tačka 13.4.1.2. TD) u skladu sa zahtjevom Ugovornog organa. U predmetnoj tačku Ugovorno organ je zahtijevao da ponuđači dostave „**Najmanje 1 (jedna) potvrda o uredno izvršenom ugovoru o isporuci i ugradnji robe, čiji su „karakter i kompleksnost slični“ predmetu nabavke (laboratorijska oprema sukladno opisu u PRILOGU II), a čiji iznos minimalno u visini procjenjene vrijednosti nabavke**“. Ponuđač je dostavio dvije potvrde o uredno izvršenom ugovoru izdate od druge ugovorne strane, ali nijedna od tih potvrdi nije u visini procjenjene vrijednosti nabavke. Shodno tome Komisija je utvrdila da ponuđač **AMT –METRIKS d.o.o., Hajrudina Hajdića bb, 74260 Tešanj** nije ispunio uslov iz Tačke 13.4.1.2. TD, na način kako je zahtijevano u Tenderskoj dokumentaciji te je ponuda ponuđača ocjenjena kao **NEPRIHVATLJIVA**.

Ponuđač **NEXIS d.o.o. Sarajevo, Mehe Smailagića 76, 71000 Sarajevo** je nakon zakazivanja e-aukcije dana 11.01.2021. godine pismenim putem (obavijest od 12.01.2021) obavijestio Ugovorni organ da odustaju od učešća u e-aukciji, a samim tim i od učešća u daljem postupku javne nabavke jer nisu u mogućnosti isporučiti robu u skladu sa zahtjevom iz Tenderske dokumentacije, odnosno u skladu sa Obrascem za cijenu ponude PRILOG II TD.

Ugovorni organ je nakon toga otkazao e-aukciju predviđenu za 14.01.2021. godine i ponovo zakazao održavanje e-aukcije sa preostalim ponuđačima **MPS Lab d.o.o. Srđana Aleksića 2, 71000 Sarajevo** i **IMTEC d.o.o. Sarajevo, Bulevar Meše Selimovića 95/11, 71000 Sarajevo**.

Iz Zapisnika o pregledu i ocjeni ponuda je vidljivo da je Komisija za provođenje postupka nakon provjere računске ispravnosti dostavljene ponude, utvrdila da u ponudama ponuđača **nije bilo računskih grešaka**, te je ocjenila da su ponude ponuđača računski ispravne. U Zapisniku Komisije je navedeno da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Iz Zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji bro: 0101-12437-3/20 od 14.12.2020. godine i Obavještenju o nabavci 999-1-1-145-3-118/20 od 15.12.2020. godine predviđeno održavanje e.aukcije kroz sistem e-nabavke.

Ugovorni organ je, u skladu sa podzakonskim aktima, dana 13. 01. 2021. godine, kroz sistem e-nabavke, ponovo zakazao održavanje e-aukcije za kvalificirane ponuđače za dan 18. 01. 2021. godine u 09:00:00 sati.

Iz zapisnika o pregledu i ocjeni ponuda je vidljivo da je Komisija za javnu nabavku izvršila rangiranje prihvatljivih ponude ponuđača prije zakazivanja e-aukcije na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	IMTEC d.o.o. Sarajevo, Bulevar Meše Selimovića 95/11, 71000 Sarajevo	0,00 KM	98.689,00KM bez PDV-a 0% Popust PDV=0,00 KM 98.689,00 KM sa PDV-om
2.	MPS Lab d.o.o. Srđana Aleksića 2, 71000 Sarajevo	0,00 KM	110.982,00KM bez PDV-a 0% Popust PDV=0,00 KM 110.982,00 KM sa PDV-om

Dana 18.12.2021. godine u 09:00h započela je e-aukcija, sa predviđenim trajanjem od 10 minuta. Iz izvještaja o toku i završetku e-aukcije, ista je završila u 09:10h, te je formirana konačna lista ponuđača koji su učestvovali u e-aukciji na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	IMTEC d.o.o. Sarajevo, Bulevar Meše Selimovića 95/11, 71000 Sarajevo	0,00 KM	98.689,00KM bez PDV-a 0% Popust PDV=0,00 KM 98.689,00 KM sa PDV-om
2.	MPS Lab d.o.o. Srđana Aleksića 2, 71000 Sarajevo	0,00 KM	110.982,00KM bez PDV-a 0% Popust PDV=0,00 KM 110.982,00 KM sa PDV-om

Iz izvještaja o toku i završetku e-aukcije vidljivo je da su cijene ponuđača ostale nepromjenjene nakon e-aukcije.

Na osnovu navedenog, a obzirom da je ukupna cijena ponude **98.689,00 bez PDV-a** (slovima: devedesetosamhiljadašeststotinaosamdesetdevet KM 00/100) veća od procjenjene vrijednosti nabavke navedene u Tenderskoj dokumentaciji (**63.500,00 KM bez PDV-a**, slovima: šezdesettrihiljadepetstotina KM 0/100), Komisija za javnu nabavku na osnovu člana 69 . stav (2) tačka (e) i člana 70. stav (1), (4) i (6) Zakona o javnim nabavkama Bosne i Hercegovine ("Službeni glasnik BiH" broj: 39/14), dala je preporuku rektoru da donese **odluku o poništenju postupka** javne nabavke robe – Laboratorijska oprema, jer je cijena prihvatljive ponude znatno viša od osiguranih sredstava za predmetnu nabavku.

Iz gore navedenih razloga, primjenom člana 69 . stav (2) tačka (e) i člana 70. stav (1), (4) i (6) Zakona o javnim nabavkama Bosne i Hercegovine ("Službeni glasnik BiH" broj: 39/14), prihvaćena je preporuka Komisije za provođenje postupka javne nabavke i odlučeno je kao u dispozitivu ove Odluke.

## **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

  
Prof. dr. Rifat Škrijelj

**Dostaviti:**

1. AMT METRIKS d.o.o. Hajrudina Hajdića bb, 74260 Tešanj
2. NEXIS d.o.o. Mehe Smailagića 76, 71000 Sarajevo
3. IMTEC d.o.o. Sarajevo, Bosanski put bb, 71380 Ilijaš
4. MPS LAB d.o.o., Srđana Aleksića 2, 71000 Sarajevo
5. Služba za javne nabavke
6. Služba za finansije i računovodstvo
7. web stranica UNSA
8. a/a

**Prilog:** Zapisnik o pregledu i ocjeni ponuda